

Siunnersuummut oqaaseqaatit

## **Oqaaseqaatit nalinginnaasut**

### 1. Aallaqqaasiut

Allannguutissatut siunnersuummik siunertarineqarpoq inatsisartut inatsisaanni § 31-ip nutarterneqarnissaa, taamaasilluni Naalackersuisut siunissami piginnaanngortinneqassalutik qanoq inatsisartut inatsisaasa, Namminersorlutik Oqartussat nalunaarutaasa aammalu kommuunit maleruaqqusaliaasa tamanut saqqummiunneqarnissaannut malittarisassiuussisarnissamut aalajangersaasalnissaannut.

Tamanut saqqummiussineq periusiuvoq pinngitsoorani aammalu malittarisassat malillugit pisartussaq maleruagassianik saqqummiussisarnermut tunngatillugu. Periusissap piviusunngortinneratigut qulakkeerneqassaaq, inuiaqatigiit maleruagassiap imarisaanik ilisimasaqalnissaannut periarfissinneqarnissaat, tamanullu saqqummiussineq taamaattumik pisari-aqartumik piumasaqaatitut isigineqarpoq, maleruagassiap innuttaasunut atortussanngortinneqarnissaanut atatillugu. Tamanut saqqummiussisarnermut periutsip taamaasilluni inatsisitigut isumannaatsuunissamut tunngasutigut pisariaqartinneqartut isumagissavai, nutaanik inatsisiliat assigiissaartumik inuiaqatigiinnut saqqummiunneqartarnissaannut atasumik.

### 2. Siunnersuummi immikkoortut pingaernerit

Inatsisartut inatsisaata § 31-p ullumikkut aalajangersarpaa, inatsisartut inatsisaat, Namminersorlutik Oqartussat nalunaarutaat kommuunillu maleruaqqusaliaat nittartagaq nanoq.gl aqqutigalugu tamanut saqqummiunneqartarnissaat. Tamannali eqqortumik takutissiiunnaarnikuuvoq, tassami nanoq.gl nittartakkatut immikkoortutut atuukkunnaarnikummat, nittartakkamulli isertut naalackersuisut.gl-mut ingerlateqqittarlugit, tassani toqqagassiaq ”Saqqummiussineq” imarisaanut ilaavoq.

Naalackersuisut tulluartutut isigaat, siunissami qarasaasiaq atorlugu tamanut saqqummiisarnerup qanoq pisarnissaa Naalackersuisunut malittarisassanik aalajangersaasarnissaq isumagissanngortinneqassappat. Tamassuma kingunerissavaa, nittartakkap tamanut saqqummiiffigineqartup aqqa Naalackersuisut allanngortissinnaalissammassuk, aammalu tamanut saqqummiussap ilusissaanut piumasaqaatinik aalajangersaasoqarsinnaalissalluni, assersuutigalugu tamanut saqqummiussap ulluata takuneqarsinnaalernissaanik piumasaqaat. Tamatumunnga piumasaqaat ullumikkut inatsisartut inatsisaanni § 31, immikkoortup 1-p

imm. aappaanni takuneqarsinnaavoq, kisiannili inatsisip oqaasertaani nanginneqarani, tassami maleruagassiaq tamanut saqqummiussaq pillugu pissusissaritatut naatsorsuunneqarmat, tamannalu Naalakkersuisunit siunissami aaqqinneqarsinnaalissaalluni.

Tamanut saqqummiussap qarasaasiaq atorlugu pisarnissaanik pissuseq, tassa imaappoq nittartakkami pisarnissaa, Naalakkersuisunit allanngortinneqarsinnaassanngilaq, tassami inatsisartut inatsisissaattut siunnersuut tamanna pillugu ersarissumik piumasaaqateqarmat.

Naalakkersuisut isumaqarput, allannguutitut inatsisip inatsisitigut isumannaatsuunissamut tunngasutigut pisariaqartinneqartut isumagigai, tamanut saqqummiussineq pillugu aalajangersakkamut piumasaaqatigineqarsinnaasutut isigineqarsinnaasut. Inuiaqatigiinnut oqartussaasunullu pingaaruteqarpoq, innuttaasut ajornartorsiuteqaratik nalornissuteqaratilluunniit qulakkeersinnaasariaqaraat, inatsit sorleq atuutilersimasoq pillugu, kiisalu ulloq suna aallarnerfigalugu pinersoq. Tamatumunnga atatillugu nalilerneqarpoq apeqquataavallaanngitsoq tamanut saqqummeeriaaseq eqqoqqissaartoq inatsisartut inatsisaanni imaluunniit nalunaarummi allaqqanersoq. Akerlianilli pingaaruteqarpoq, tamanut saqqummiisarnermut maleruagassat qaqugukkulluunniit sapinngisamik eqqortumik takussutissiisarnissaat, taamaasilluni innuttaasut, inatsisitigut inissisimaneq pillugu paasissutissarsiorerminni nalornilersinneqartassanngimmata. Inatsimmut allannguutissatut siunnersuutip Naalakkersuisut sukkasuumik tamanut saqqummiisarneq pillugu maleruagassat nutartersinnaalissavaat, Kalaallit Nunaanni Namminersorlutik Oqartussat innuttaasunut paasissutissiani nittartakkamut allamik taaguutilimmut nuussagaluarunikkit.

Inatsissatut siunnersuut malillugu § 31 siunissaq isigalugu immikkoortunik pingasunik imaqaalissaaq siusinnerusukkut marluinnaasunut sanilliullugu. Tamanna aaqqissuuseri-aatsimik tunngassutilimmik allannguineruvoq, taamaasilluni maleruagassami immikkoortut attuumassutillit ajornannginnerusumik issuarneqartalerniassammata.

Inatsimmi allannguut peqatigiissitsilluni inissinnera:

<b>Inatsisissatut siunnersuut inatsimmut maannamut atuuttumut naleqqiullugu</b>	
<i>Oqaaseqatigiit atuuttut</i>	<i>Inatsisissatut siunnersuut</i>
	<b>§ 1</b> Inatsisartut Naalackersuisullu pillugit Inatsisartut inatsisaanni nr. 26, 18. november 2010-meersumi tulliullugu taaneqartunik allanguisoqassaaq:
<p><b>§ 31.</b> Inatsisartut inatsisaat aamma Namminersorlutik Oqartussat nalunaarutaat, taakku allaasumik aalajangiinngippata, ullup unnuallu tamanut saqqummiunneqarfimmik kingornatigut ullup unnuallu tulliuttup aallartinnerani aammalu Inatsisartut inatsisaata imaluunniit Namminersorlutik Oqartussat nalunaarutaata tamanut saqqummiunneranni <a href="http://www.nanoq.gl">www.nanoq.gl</a>-ikkut atortuulertassapput. <a href="http://www.nanoq.gl">www.nanoq.gl</a>-ikkut ilangussinerit tamarmik tamanut saqqummiussinerup ulloq suna pisimanera pillugu paasissutissamik imaqartassapput. Tamanna tamanut saqqummiusseriaasiuvoq unioqqutinneqarsinnaanngitsaq. □</p> <p><i>Imm. 2.</i> Inatsisartut inatsisaat, Inatsisartut peqqussutaat imaluunniit Namminersorlutik Oqartussat nalunaarutaat tunngavigalugit kommunit maleruaqqusaliaannut tunngatillugu imm. 1 taamatutaaq atuuppoq.</p>	<p><b>1. § 31</b> ima oqaasertalerneqassaaq: “<b>§ 31.</b> Inatsisartut inatsisaat aamma Namminersorlutik Oqartussat nalunaarutaat, taakku allaasumik aalajangiinngippata, ullup unnuallu tamanut saqqummiunneqarfimmik kingornatigut ullup unnuallu tulliuttup aallartinnerani aammalu Inatsisartut inatsisaata imaluunniit Namminersorlutik Oqartussat nalunaarutaata tamanut saqqummiunneranni.</p> <p><i>Imm. 2.</i> Tamanut saqqummiussineq qara-saasiat atorlugit pisassaaq. Naalackersuisut tamanut saqqummiussisarnermut maleruaqassanik aalajangersaassapput.</p> <p><i>Imm. 3.</i> Inatsisartut inatsisaat, Inatsisartut peqqussutaat imaluunniit Namminersorlutik Oqartussat nalunaarutaat tunngavigalugit kommunit maleruaqqusaliaannut tunngatillugu imm. 1 aamma 2 taamatutaaq atuupput.”</p>
	<b>§ 2</b>  Inatsisartut inatsisaat manna 1. januar 2014 atuutilissaaq.

3. Pisortanut aningaasaqarnikkut aqutsinikkullu kingunerisassai

Siunnersuut annertunerusumik pisortanut aningaasaqarnikkut aqutsinikkullu kinguneqassanngilaq. Naalakkersuisulli kingusinnerpaamik allanngutissatut inatsisip atuutilerfia eqqorlugu nalunaarummik saqqummiissapput kiisalu qulakkiissallugu nalunaarut pisariaqartitat naapertorlugit nutarterneqartarnissaa.

4. Inuussutissarsiutinut aningaasaqarnikkut aqutsinikkullu kingunerisassai

Siunnersuut inuussutissarsiutinut aningaasaqarnikkut aqutsinikkullu kinguneqassanngilaq.

5. Avatangiisinut pinngortitamut innuttaasullu peqqissuunissaannut kingunerisassai

Siunnersuut avatangiisinut, pinngortitamut innuttaasullu peqqissuunissaannut kinguneqassanngilaq.

6. Innuttaasunut kingunerisassai

Siunnersuut innuttaasunut toqqaannartumik kinguneqassanngilaq. Nalunaarut Naalakkersuisut tamanut saqqummeeriaaseq pillugu saqqummiussassaat, maannamut inatsisitigut oqaasertamigut eqqornerusumik takussutissiissaaq aammalu innuttaasunut inatsisitigut maleruagassianik saqqummiunneqarsimasunik nassaarsinnaanerat ajornannginnerusumik pisinnaanngussalluni.

7. Kingunerisassat allat pingaarutillit

Siunnersuut allanik annertunerusumik kinguneqassanngilaq.

8. Tusarniaaneq

Siunnersuut Inatsisartut Allatseqarfiannut tusarniaassutigineqarpoq. Inatsisartut inatsisaata teknikkikkut taaneqarsinnaasumik allannguuteqartinneqarnera peqqutigalugu siunnersuut killilimmik tusarniaassutigineqarpoq.

**Inatsisissatut siunnersuummi aalajangersakkat ataasiakkaat  
pillugit oqaaseqaatit**

*§ 1 pillugu*

§ 31 pillugu

Imm. 1-imi maannamut maleruagassaq atuuttoq attatiinnarneqassaaq, inatsisartut inatsisaat aamma Namminersorlutik Oqartussat nalunaarutaat aallaavittut atuutilertassammata ullup

unnuallu aallartinnerani, inatsisitigut maleruagassap tamanut saqqummiunneqarfimmi kingornagut ullup unnuallu tulliuuttup aallartinnerani. Taamaasilluni inatsisartut inatsisaat, decembarip qulingani tamanut saqqummiunneqartoq, aallaavittut atuutilissaaq nal. 00:00 ullup tulliani, tamanna ima isumaqarpoq decembarip aqqarnnganni. Nalinginnaasumik piffissatut atortuulersitsiviususaaq inatsisinik paasissutissiisarneq pillugu inatsimmi, lovtidendeloven, naalagaaffiup inatsisiliai eqqarsaatigalugit Kalaallit Nunaannut atuuttumi § 3-mut naapertuuppoq.

Nalinginnaasumilli atulerfissamut killiliusaaq saneqqunneqarsinnaavoq, inatsisitigut maleruagassiaq tamanut saqqummiunneqartoq immiini aalajangersagaqarpat, naleqqiuguk nangaassuteqarneq ”allamik aalajangersaanngippata”. Tamanna atorpeqakkajuttassaaq, tassami tamanna inatsit pitsavittut oqaasertalikkatut isigineqartarmat, inatsisitigut maleruagassiap nammineq ulloq atuutilerfissani nalunaarutigissappagu.

Tamanut saqqummiussineq imm. 2 malillugu maannamut atuuttoq malillugu qarasaasiatigut pisarpoq, tassa imaappoq nittartakkakut tamanit takuneqarsinnaasumi. Radio imaluunniit TV aqqutigalugit saqqummiussineq massuma aalajangersakkap paasineqartarneratut isigineqassanngilaq, tusagassiuutillu taamaattut soorunami Naalakkersuisunit toqqarneqarnaviangillat tamanut saqqummiussissutitut.

Inatsisartut inatsisaat siusinnerusukkut aalajangersaanikuuvoq nittartakkamik aalajangersimasumik atuinissaaq, taamaasilluni tamanut saqqummiussaaq sumi pisassanersoq ([www.nanoq.gl](http://www.nanoq.gl)), siunissamili Naalakkersuisunit aalajangerneqartalissaaq nittartakkami sorlermi tamanut saqqummiussisarneq pisassanersoq. Naalakkersuisut taamaasillutik qulakkiissaavaat, tamanut saqqummiussat inissisimasassasut internetikkut inissisimaffinni, innuttaasut siusinnerusukkulli namminersorlutik oqartussanit paasissutissanik aallertarfiini. Periarfissatut allatut Naalakkersuisut aamma aalajangersinnaavaat, tamanut saqqummiussaaq inissinneqartassasoq internetikkut inissiisarfissiami, immikkut hackerneqarnissamut il.il. isumannaarneqarsimasumut.

Tamanut saqqummiussassat nittartakkamut sorlermut inissinneqartarnissaannik nalunaarutip aalajangiisup, aamma tamanut saqqummeeriaatsit allat aalajangersaaffigisinnaavai, soorlu paasissutissat sorliit saqqummiunneqassanersut inatsisitigut maleruagassiamut tamanut saqqummiunneqarsimasumut ilanngunneqartussat. Maannamut § 31, immikkoortup 1-ip immikkoortuani aappaani piumasaqaatigineqarnikuuvoq, tamanut saqqummiussat tamarmik paasissutissanik ilaqartinneqartassasut, ulloq sorleq tamanut saqqummiussaaq pisimansooq. Piumasaqaat tamanna inatsisip oqaasertaani ingerlateqqinneqanngilaq, kisiannili Naalakkersuisut pilersaarutigaat aalajangersagaq assingusoq Namminersorlutik Oqartussat nalunaaru-

taanni ilusileeriaatsimut piumasaqaatit atoqqinniarlugu. Tamanut saqqummiinermut ulluliussaq taamaattumik innuttaasunut inatsisitigut isumannaatsuunissamut tunngasutigut annertuumik pingaaruteqassaaq ima pisoqartillugu, inatsisitigut maleruagassiap qaqutiguuissumik nalunaarutiginnippagu ulloq atuutilerfini pillugu, naleqqiuguk siunnersuutigineqartoq § 31, imm. 1.

Ilusileeriaatsimut piumasaqaatip saniatigut Naalakkersuisut aamma tamanut saqqummiinermut tunngatitamik malittarisassat allat aalajangersarsinnaavaat, assersuutigalugu tamanut saqqummiussanut inissiisarfimmut teknikkikkut sillimaniarnermut piumasaqaatigineqartut pillugit.

Naalakkersuisut pinngitsooratik pisussaaffigaat tamanut saqqummiussanut malittarisassanik aalajangersaasarnissaminnut, taamaasilluni Namminersorlutik Oqartussat nalunaarutaat pineqartoq atuutilersinnaassalluni kingusinnerpaamik ullormi allannguutitut inatsisip atuutilerfiani. Nalunaarutip minnerpaamik nalunaarutigissavaa nittartakkap pineqartup taaguutaa, taamaasilluni tamanut saqqummiussaq innuttaasumut inatsisitigut pisussaaffilisinnaaqullugu. Taamatut aalajangersagaqartinnagu inatsisartut inatsisaata tamanut saqqumiisarnermut aalajangersagaa siunertani malillugu atuutilersinnaassanngilaq.

Nalunaarutip ilusileeriaatsimut maleruagassiai il.il. malinneqanngippata, inatsisitigut kingunissai kingullertut eqqartuussivimmit aalajangerneqassapput. Taamaattumik pisussaannartut pisoqarsinnaanngilaq, tamanut saqqummiussaq atunngitsutut isigineqassappat, inatsisitigut aalajangersakkap tamanut saqqummiunneqarnerani piumasarineqartoq aalajangersimasoq malinneqanngitsoq piinnarlugu.

Imm. 3-ip aalajangersarpaa maannamut § 31, imm. 2 atuuttoq assigalugu, tamanut saqqummiisarnermut malittarisassaq taamatulli atuutissasoq kommuunit maleruagassiaanni inatsisartut inatsisaat malillugu aalajangersarneqarsimasuni, inatsisartut inatsisaanni, inatsisartut peqqussutaanni imaluunniit Namminersorlutik Oqartussat nalunaarutaanni. Malittarissap taassuma qulakkiissavaa, kalaallit inatsisitigut maleruagassiaat tamarmik, innuttaasunut inatsisitigut pisussaaffiliisut, Naalakkersuisunit tamanut saqqummiinermut oqartussatut akisussaasutut tamanut saqqummiunneqartassappata.

## *§ 2 pillugu*

Maleruagassap taassuma aalajangersarpaa, qaqugukkut inatsimmut allannguut atuutilissanersoq.